



# Kentosko rakkiba 6 tšoon

## Kutti tukko kentosko rakkibiatta kaana kentos hin 6 tšoon

- Tukko kentos hin buut te lahêhes aro boliba! Dik so kentos dikkela ta de lau leske. Lah lessa sterdaviti-ka, beska ta bare, tšetanes!
- Kaan tukko kentos rakkila tussa džinom dissibi, lyiji ta tšaljibi. Hast byryla kentos rakkavel tussa kentosko laaveha sar da-da ta ta-ta.
- Tukko kentos byryla hast phennes jakkes sar dik ta laave sar dai ta daad.
- Tukko kentos kammela rakkes tussa, pherjaves tussa aro vaagune sterdibi sar besko besko beedos / Imse vimse spindel elle baka baka liten kaka / beka-vaha gullo vettos.

## Rakke saareatta

Rakke tukko kenteha saareatta so fanuvela ta saare saakenna so phandela kentosko džinta. Rakke haa-beatta, koolenna, so tumen dikkena ta so kentos tšeerela. Hun hilo tiija kentos, jakkes kentos lela kam-mimos te džal anglal rakkibiessa. De kentoske tiija!

## Paruven ta tšeer pappales

Tšeer pappales kentosko lyiji, issa so douva starakidas ta de lau dooleske. Venta kaana kentos svaarila lyijeha elle sterdibiessa naali douva kaana tu džaha anglal. Kentos sikjuvela kaan sar te rakkaves varrunes ta hajuves sankiba mahkar laave ta guose.

## Pherjaven tšimbessa

Džambe džiiile, tšeer beska laavengo paramisi ta pherja džiljengo pherjibi. Le tukko angušji ta varpi, de sanjale ta humoriosko lyiji muijesta. Aro tukko liinengo loonibosko tšeer hin liine, džiiile ta bahibi (musikos) so tuut hin vojime te lel aro tšeere.

## Rakke-draba tšetanes


Kaana kentos dikkela tukko jakkengo ta angušjako sikiba, aavela sikibosko liinesta neevo maal. Sika kentoske ta rakke leske farabenna. Dik save saakenna tukko kentos hin džintime. Aro byrjiba douva džinti-ba hin stöt tiijano, bi langhtide tiijaha lesko fokusos ta hajiba barjula.

## Rakke tukko dako tšimb

Rakke, džambe ta draba aro tukko iego dako tšimb. Koni butide bolibosko kentenna džiiivena aro butvare tšimbengo miljōnos, ta douva hin fendide te barjuves apre mahkar buutide tšimbenna sar bi iek tšimbaha.

## Roode buutide džaaniba

- Draba butide liinenna datta: [www.bookstart.se](http://www.bookstart.se)
- Ke tu darreha douva sar tukko kentosko tšimbako hajibosko barjiba džala, dža aro beska kentengo sastibosko sentros (barnavårdscentralen). Tuut hin nii horttiba te puêhes tukko kentosko tšimbako hajibosko barjibosta aro naluno skoolako tšenstibongiirena.



# Kentosko rakkiba 1 berh

## Kutti tukko kentosko tšimbeatta kaana jou/joi hin1 berh

- Kentos rikkila besko kammimos tukke lyijeha ta besko trupposko maneereha.
- Vaagune laave rakkila dai ta kaan saakienna, sar trys-talos, nalle ta dik.
- Tukko kentos hajuvela butide laave sar jou/joi hajuvela rakkel, bi jou/joi haagila tuut te phennel doola auri ta džorjaves lesko/lako rakkiba.

## Ĥun ta dik so hin džintino leske/lakke

Tuut hin vojiba te rakkaves saare saakenna so tumen dikkena ta tšeerena aro sakkadivisako dživiba te barjaves kentosko tšimbako hajiba. De laave kentoske doolenna so jou/joi dikkela hilo tiija. Kaana kentos phennela dā, ta sikila mahka tuut hin vojime te phennel: Eija, douva hin maħka. Rikkavehako tu maħkeatta? Minsa te ventaves kentosko svaariba.

## Dik apre ta ĥun

Kaana tu dela kentoske tukko hilo dikkimos ta ĥunneha les tšihkas, kentos sikjula douva te boodos hin fuortuno, kentos phennela iek lau, sikila elle vaures dela tukke var-esavo boodos. Kentos sikjula tukko svaaribiessa douva te rakkiba džala anglal dui elle butide varreha.

## Pherja tšimbessa

Džambe džilje, rakke beska paramisi ta poemi ta džiljane phersibi. Le tukko angušji ta varpi, loħane lyiji ta humorios tussa kaana tu pherjaveha kenteha!

## Laħ paramisi ta rakke butide

Rakke kenteske so lesko nalle tšeerela elle kai bussos draadela. Rakke leske farabenna kai hin tukko huupa elle maale. Kentos hyövyyla hunnel neeve laave butvares, are vaure saakengo maħkar.

## Draba stöt džintakiire farabengo liine

Kaan tumen hin vojime te byryves drabaven farabengo liine. Anglunes tumen dikkena tšetanes liinengo farabi ta sikavena angušjeha doola tšetanes. Anglunes hin lokkide ke tu rakkaveha kokares doolenna, bi endo kutitiijako paalal kentos hajuvela ĥunnes kaana tu drabaveha leske aro liineatta. Tu laħħeha ajasaave liine save hin vojime loonaves tšeere aro tukko liinengo loonibosko tšeereatta.

## Rakke tukko dako tšimb

Rakke, džambe ta draba aro tukko ieggo dako tšimb. Koni butide bolibosko kentenna džiiivena aro butvare tšimbengo miljönos, ta douva hin tšihkide barjuves apre maħkar buutide tšimbenna sar bi iek tšimbaha.

## Roode buutide džaaniba

- Draba butide liinenna datta: [www.bokstart.se](http://www.bokstart.se)
- Ke tu darreaha douva sar tukko kentosko tšimbako hajibosko barjiba džala, džaa aro beska kentengo sastibosko sentros (barnavårdscentralen). Tuut hin nii horttiba te puħħes tukko kentosko tšimbako hajibosko barjibosta aro naaluno skoolako tšenstibongiirena

Kulturako Komiteos hin themmuno naalsvaariba kentengo drabiosko hajibosta ta lengo tšimbengo hajibosko barjibosta. Bokstart hin themmuno resurssengo butti so paruvela aro phuuridengo ta bare komujengo rig koonen džiiivena kentensa.



# Kentosko rakkiba 18 tšoon

## **Kutti tukko kentosko rakkibiatta kaana kentos hin 18 tšoon**

- Buut kentenna hajuvana aro dauva oldra 200 sak-kodivisako laave.
- Kentos rakkela kokares daala laave, bi daala laave mereknila kentoske froohlaaga saaka aro froohlaaga fanubi.
- Iek par kente tšuuvela it froohlaaga laave sar naalune merkeneha, dai beeros elle Džuklo doi.

## **Rakke buut tšetanés**

Rakke dotta so tumen tšeerena aro froohlaaga fanubi. Rakke kentoske dotta so kaan fanuvela ta de laave daala saakenge. Hün tšihkas save saakenna tukko kentos rikkila ta so jou(joi tenkila. De buut tiija tukko kentoske.

## **Džorja ta barja douva so kentos phennela**

Kaana tu neevavaha douva so kentos phennela, tu haaveha (jelpaveha) kentos te barjaves lesko tšimb. Ke kentos phennela "namnam", tuut hin vojime phennes: Eija, dauva hin haabe, kaan haaveha. Douva te tukko kentos phennela -ahka naaka mahka fanuvela buut kentenge aro dauva oldra. Ma fendja kentosko rakkibi, bi phen kokares dauva lau neeves, jakkes te kentos hunnela sar lau mote phennes tšatšes.

## **Tšeta saaki aro kentosko iego boliba**

Douva hin lakkide te sikjuves neeve saaki kaana tu tšetavaha doola ajasaave saakenna so kentos džaane-

la. Ke tumen dikkena farabi kai hin holluja, tuut hin vojime te sikaves kentosko iega holluja ta phennes leske: Tuut hin nii holluja jakkes sar kentos aro liinesko faraba.

## **Rakke-draba tšetanés**

Kentos hin kaan lohíba butvare liinenna so tumen hin vojime rakkaves mahkar peen. Puñ phirres doola saakenna so fanuvela are liine ta tšeta doola kentosko iego dživibiessa: So tu tenkaveha...? Minsavehako tu...?


## **Rakke tukko dako tšimb**

Rakke, džambe ta draba aro tukko iego dako tšimb. Koni butide bolibosko kentenna džiiivena aro butvare tšimbengo miljónos, ta douva hin tšihkide barjuves aro mahkar buutide tšimbenna sar bi iek tšimbeha.

## **Roode buutide džaaniba**

- Draba butide liinenna datta: [www.bokstart.se](http://www.bokstart.se)
- Ke tu darreaaha douva sar tukko kentosko tšimbako hajibosko barjiba džala, dža aro beska kentengo sastibosko sentros (barn-avårdscentralen). Tuut hin nii horttiba te puñhes tukko kentosko tšimbako hajibosko barjibosta aro naaluno skoolako tšenstibon-giirena.

Kulturako Komiteos hin themmuno naalsvaariba kentengo drabiosko hajibosta ta lengo tšimbengo hajibosko barjibosta. Bokstart hin themmuno resurssengo butti so paruvela aro phuuridengo ta bare komujengo rig koonen džiiivena kentensa.



# Kentosko rakkiba 3 berh

## Kutti tukko kentosko rakkibiatta kaana kentos hin 3 berh

- Buut kentenna hajuvana kaan butvare heel laave. Joon tšuuvena it froohlaaga laave aro tenkibi ta byryvena rakkaven stöt tšatše rakkibi.
- Kentos tšeerela tukke buut puñhibi ta byryvela hajuves sar komujes hin vojime te rikkaves laave ta sar te pherjaves laavensa.
- Tukko kentos byryla rakkes tukke ajasaave saakenna so jou/joi hin tšerdas elle dikjas ta jou kammela te hunnes kaana tu rakkaveha leske.

## Lah boostaave ta laave

Aro naal skoolako oldra buut kentenna kammena te džaanel boostaavenna ta laavenna. Draba ta sika blakke ta mohte kenteske kaan jou/joi hin džintime doolenna. Lah tšetanes merkne ta symbole trystal tumen ta rakke doolenna so doola starakila.

## Džeenja (phira mieniba) neeve laave

Rakke džintimes neeve laave doola saakenna so fanuvela ta doolenna so tumen dikkena aro sakko divisako dživiba. Džeenja kenteske so kentos naa na hajuvela: hyönos hin sar paaniako leen, bi koni baaride. Elle: kaana ame džaha aro stranna, ame klimavaha aro hyönos.

## Rakkavaha

Rakke dotta so fanuvela kajo tumengo diives. Följa paale doola saaki, so tu hin hunjal elle dikjas kenten hin tšerdas aro naaluno skoola ta biha kentos rakkaves butide doolenna. Koni buutide 3 berh phurane kentenna naa na rakkila jakkes sar ame bare komuja rakkavaha. Kaana tu hunneha lau lesta so naa aahhela horttas, tuut hin vojime te phennes douva neeves, jakkes kentos sikila tiijaha rakkaves doola laave hortto vejjeha.

## Drabaven tšetanes

Tšeer sakkodivisako stöt tiijako drabiba sar tumengo maneros Buut kentenna hin iek pirime liin so joon kammena tumen te draben lenge alti neeves. Aro farabengo liine mote kaan aahhes kutti langhtide paramisi, bi panna hortto vejjos hin rakkiba-drabiba vejjos te dikkes daala liine.

Bah kentos rakkaves tukke dotta, so dauva liinesko paramisos rakkila ta biha les puñhel hilo tiija saakienna. Kaana kentos puñhela, stanna doi, hun les ta tenka tšetanes.

Minsa douva te pherjiba hin kentosko vejjos te sikjuves. Jakkes phersa, draba, džambe ta rakke tšetanes. Beska paramisi ta poemi hin panna lohane. Liengo drabiba hin panna akadiives koni tšihkide vejjos te sikjuvves neeve laave!

## Rakke tukko dako tšimb

Rakke, džambe ta draba aro tukko iego dako tšimb. Koni butide bolibosko kentenna džiiivena aro butvare tšimbengo miljönos, ta douva hin tšihkide barjuves apre mañkar buutide tšimbenna sar bi iek tšimbe.

## Roode buutide džaaniba

- Draba butide liinenna datta: [www.bokstart.se](http://www.bokstart.se)
- Ke tu darreaha douva sar tukko kentosko tšimbako hajibosko barjiba džala, dža aro beska kentengo sastibosko sentros (barnavårdscentralen). Tuut hin nii horttiba te puñhes tukko kentosko tšimbako hajibosko barjibosta aro naaluno skoolako tšenstibongiirena

Kulturako Komiteos hin themmuno naalsvaariba kentengo drabiosko hajibosta ta lengo tšimbengo hajibosko barjibosta. Bokstart hin themmuno resurssengo butti so paruvela aro phuuridengo ta bare komujengo rig koonen džiiivena kentensa.